



## Universitätsbibliothek Paderborn

**Floremundi Raemundi V. Cl. Olim Consiliarii Regis  
Galliarvm Ex Calviniano Catholici Synopsis Omnia hujus  
temporis Controversiarum tam inter Lutheranos,  
Calvinistas quam alios plurimos. Sive Historia ...**

**Raemond, Florimond de  
Coloniae Agrippinae, 1655**

III. Nomi ni Iesu nullum habent honorem.

**urn:nbn:de:hbz:466:1-10880**

tempore siebat Tertulliano auctore, sequentes doctrinam D. Augustini, conscientiam veteri Traditioni Ecclesiae, nihil recte fieri secundum ceremonias Religionis, nisi signum Crucis applicetur, sive fronti fidelium, sive aquæ qua regenerantur, sive Christi, quo vnguntur & confirmantur, siue sacrificio quo nutrituntur. Et in confessionibus suis edictum se affirmat à matre sua, Crucis signo seculi munire. Audite orationem Iuliani aduersus Christianos, & per ipsius os vos loqui intelligetis.

*Vos, inquit, ancylia illa à loue cœlitus ad Numam mis-  
sa adorare recusat; interim vero Crucem ligneam ad-  
oratu, eamque in frontibus vestris & adib⁹ passim de-  
pingitis. Appellamur à vobis, Domini Reformato-  
res, idololatriæ Crucis; eodem modo Ethnici  
nos appellabant cultores Crucis. Vos frangitis  
Cruces; idem & illi fecerunt. Et Iudeis pariter nihil magis in votis fuit quam ut omnem Crucis memoriā abolerent. Namque ob causam iure appellaſſe eos videtur Salvator progeniem viperarum. Nam inter omnes serpentes sola Vipera figuram crucis sub maxilla gerit tanquam occultatura eam, quum reliqui serpentes, ut ipse observavi, superiori maxillæ impressam habeant. Ob quam rationem dixi: mea sententia (nemo enim alias id unquam scriptis) *inimicos Crucis appellari à Christo progeniem viperarum, ut qui conentur salutare signum Crucis occultare.* Cur appellatis eam flagellum muscarium? propterea quod prisci Patres eam appellabant diaboli flagellum. Evidem non potuisse occultare duorum iuuenium. Geneua Lauthannam vñā tendentium historiam, proditam ab idoneis auctoriis. *Illi iter facientibus, oritur-  
nitru, & crebris micat ignibus arbor.* Ibi unus eorum precibus ad Deum configiens, signum Crucis fronti imprimis. Cui alter, *Cur quaso inquit, muscas à naso abigu?* *Vix eloquutus erat verbum, quum subito ictus fulmine ambuſta que in terram prosternitur, altero manente incolumi, qui postea eam rem alijs expofuit.* Possem addere similes alias aliquot historias, si propositi mei ratio pataretur.*

II. Cur in horreis vestris Ministerialibus nulla habetis altaria? propterea quod is est nostrorum Ecclesiarum ornatissimus, & ut D. Augustinus & Optatus loquuntur sedes Corporis & sanguinis Jesu Christi. Altare edificavit Noachus, quum ex Arca egredieretur; Altaria hinc inde in Terra Sancta Abrahamus statuit: quos imitati sunt Patriarchæ, Moses, & postea Apostoli. At vos ea destrui-

tis: quod idem Donatistæ fecerunt, quibus Optatus exprobavit, quod destruxerint Altaria, in quibus S. Cyprianus, S. Lucianus, & alij Martyres Deo sacrificaverint & ubi plures (nota, Calvinista Epitheta Sacramenti Altaris) stipendium æternæ salutis, Fidei protectionem, & æterna Resurrectionis spem acceperint. Audi D. Jo. naem Chrysostomum: Altare, inquit, si substantiam spectes, saxum est, sed sanctificatur per hoc, quod sustinet Corpus Jesu CHRISTI.

III. Quare nomen Jesu non veneramini, idque auditis sine ulla honoris significacione? Idololatricum id esse, cum Ochino vestro, & Magicū quidam sapere, cum Calvinus affirmatis. Propterea quod Catholici, Pauli doctrinam sequentes, sanctum hoc nomen venerantur, ad quod inclinatur Cœlum, assurgit Terra, & infernus contremiscit, ad cuius pronunciationem omne genu flebitur, tum terrestrium, tum infernalium. Sedicet (objecit aliquando mihi Minister quidam) *etiam sunt genua spiritibus.* Cui ego respondens, *Stulte igitur, inquam, loquitur Scriptura. Saltem vobis sunt, & animæ olim suarécipient.* Hoc est illud sanctissimum nomen, quod honorant Angeli, adorant homines, & Diabolii verentur. Hoc Ecclesiae Romanæ vicitribus signis, hoc muris hoc ædibus, deoique hoc monolithicis nostris insculpitur, ut perpetuo oculis nostris obversetur: Prorsus contraria ratione, quam vos facitis, qui ubique illud expugnitis atque aboletis. Nemo Calvinianæ sectæ annulum auderet gestare, cui insculptum esset nomen Jesu. Et si quis id limini ædium suarum inscriberet, illico ululatum exaudires clamantium, Apage ad Papistas. In Concionibus suis quando audiunt pronunciari nomen Jesus, non magis moventur ad honorem exhibendum, quam si Cainum nomines, aut Judam. Et errat tamen, Domini Calvinistæ, hæc sancta & laudabilis priscorum Christianorum consuetudo, ut per hoc discernerentur à Judæis in conventibus, quod illi ad nomen Jesu capita nudarent & genua flebant, hi vero contra, ut auctor est Hieronymus, starent immoti perinde ut & vos facitis, qui tamea isto scrupulo non tangimini, nec tam delicatam conscientiam habetis, quum Principem verum terrum nominati auditis. A Lutheranis non est abrogatus religiosus iste mos. Certe Apostolus illorum Lutherus, libro de Concilijs, cum approbat. Et Schlusselburgius Lutheranus, tanquam insignem impietatem perstringit consuetudinem Calvinistarum qui nullam reverentiam



domini huic deferunt. Idem narrat, Adamum Neuserum, qui ex Maistro Galviniano factus est Mahometanus, nunquam in concionibus suis nominavit nomen Jesu, ne populus, audiens nomen Re. e. apotris sui, caput ( idenim est moris in Germania) deterget. Id quod à Magistro suo Calvinio didicerat, ex Commentario in Epistolam ad Philippenses.

IV. Quare abolevisti dies Festos, ranta cum religione a primis Christianis institutos, quiet etiam rerum ad vitam humanam necessariarum compunctione violare ea religioni ducebant? Propterea quod Ecclesia Catholica sibi suis ea commendat, ut perpetuo velut in tabula quadam ante oculos habeant terum à Christo & Sanctis gestatum memoriam. Quare Ministri vestri Religionis suæ exercitum palio alicuius opificis aut pragmatici indui peragunt, & pileo aut caputio cooperi: quo ornato instructos nostro rati vidi Ministros; Propter ea scilicet, quod Catholici gestant Cuculos, Albas, & alios id genus amictus, aliquam reverentiam conciliantes, ut semper in Ecclesia Dei obtinuit. Etsi enim verushonos positus est in virtute, qua veluti vestita est anima; necio tamen quomodo quandam Majestatem illi addat exterior ille corporis habitus, & in admirationem magnitudinis Dei nos rapiat. In Lega Naturali Noachus sacrificans vestre sacerdotali amiciebatur: & in scripta Lega sacrorum amictuum exemplar Mosi Deus exhibuit. Quin & Romani & Græci habuerunt vestes suas Pontificales, Religionis notas & insignia. Et de Ægyptijs scribit Jamblichus, nunquam eos ad cultum divinum accessisse, nisi amicu linteo indutos: unde Linigeri dicti sunt. Et Poeta Latinus ait: *puraque in veste sacerdos.* Ipse Christus, quem in Cœna sacrificaret, Taleth suum habuit: quod sacræ vestis genus fuit. Apostoli, teste Clemente, in candida veste sacrificabant. Et successores eorum preciosis indumentis dignitate suam nunquam non insigniverunt. Sed Ministri vestri in cathedra conspicuntur tibialibus cæruleis aut albis induiti, & in hyeme nonnunquam cum calopodij. Et quamvis presbyterios nostros paganos passim ad magnam inopiam redegeritis: nihilominus tamen dum rem divinam faciunt, negligatatem illorum vestes sacerdotiales tegunt. Neque enim tam indecenti cultu Altaria constitunt, ut vos cathedras vestras ascenditis. Quorum tamen laceras vestes, necessitas illa & paupertas, in quam sunt ab harpijs vestris conjecti, posset excusare. At

vestræ, quamvis adhuc novæ, quam parum Ecclesiæ vestiræ, & divinis mysterijs, honoris deferatis, testantur.

V. Porro explicate mihi, si placet, quænam sit caussa, cur in vestro grege gulosum illud & auribus carens monstrum, venter, tot reperiatur cauſæ lux patronos. Evidem eius rei aliam rationem adferre non potestis præter hanc unam, quia Ecclesia Catholica ieiunium inculcat, præcipiens ut statim temporibus ad preces meditacionesque, abstinendo ab illis ciborum generibus, quæ carnem insolentem reddunt, homo præparetur disponaturque. Quæ cauſa est, cur die Parasceves nihil vobis genio detrahatur? Quæ cauſa est, cur dum vetus Catholicus nulla te vescitur, quæ mortem passa sit, vos cupedinariorum officinas defatigatis? Illa nimurum, quia illo die Catholicus se affigit, corpus suum castigat, nihilque præter passionem Domini, & Crucem ante oculos haberet: omnia tum feriatur, sola devotione excepta, idque iuxta veterem primitivæ Ecclesiæ morem, ut Epiphanius refert. Vos in ieiunis vestris carnis eum permittitis; propterea quod nos pescibus vescitur: quumque in Ecclesia Catholica, ex præxi primitivæ Ecclesiæ, nunquam ieiunetur die Dominicæ, vos, contra ieiunio proslustratione non raro diem Solis, ieiunio destinatis: & in Scotia Ministri Calviniani semper in hunc diem ferias suas esuriæ indicunt. Idem fecisse Arium, & Manichæos, D. Augustinus & Hieronymus affirmant, qui spiritu quodam contradictionis affecti, ut insultarent Catholicis, ieiunio diebus Dominicis servari constituebant, ferijs vero sexta & septima genio indulgebant. Quin illa ipsa ieiunia, quæ apud vos viginti tertiatu sunt per facilita. Comeditis enim, quod libet. Et mensura ieiunij, cuiusque stomachus aut appetitus vester est. Satis est vobis habere illum diem non ieiunij spiritualis, prout omnia vestra sunt spiritualia. Quæ cauſa est, cur festo aliquo solenni magis ferreat opus vestrum, quam alijs diebus? Hoc scilicet, quia Ecclesia, postquam mirum in modum multiplicata est, & vivaciores plantas suas Martrium cruce irrigavit, dices istos constituit, ut essent rerum, quæ in illis contigerunt memoria notabilis. In ditione Bencarnensi die Junij à Ministris constituto nulli licet opus facere, & ne ex eis quidem merces suas per agros vehere: debetque omnis populus, qui illic maxima ex parte est

Catho-